

A FINE DEL VECIO OLMO 2020

A SAN DONA' DI PIAVE



(Ła fine anunciada de 'l olmo dadrio el munizipio ultimo restà)

Mi tempo fà vee fat na breve storia de sto albaro e de Ła só longa vita, e squasi se-pol dir desmentegà; mi da tempo ghe vee preventivà Ła pośibile fine, ma no pensee cuśi presto. In pratica el-vea testimonià el paśar sot de lu tutta S. Donà de sti ultimi seśanta anni, da quando cioè che se-iera puareti fin a des che sen diventai tuti siori. El destin che ghe vee preventivà el- s'ha averà. Giorni fa me riva do foto sul telefono de sto albaro, una che 'l-é in pie, cheŁaltra che 'l-é destirà, abatù par terra; de sto fato certo ghe sarà na spiegazion redada da un sacente tecnico del Comune. Mi, par curiosità, son ndat a vedar el tronco tajà de quel che é

restà, (vedi foto), e par mi, da quel che se-pol vedar del tronco, dise che no 'l-podea ésar pi san de cuśì – se-pol contar i cerchi de creśita – pararia che el-veśe pi de seśanta ani, e vuł-tu che se i-veśe pośù salvarlo, bastea che i- ghe regołeśe ła chioma, (dato che par mi el -era san), però no se-pol saver che strategie che podea blocar sto vecio olmo. Mi da pensionato che ormai no 'l-conta pi gnent, dise: “Vuł-tu vedar che i-ha fat che sto coronavirus el- se ła ebie ciapada co sta pora pianta, e ch'el-sie stat contagià anca lu?”. Zerto che tajando sto ultimo albaro, spariśe ła testimonianza de quel che é paśà, e no 'l-podarà confrontar quel che vegnarà, posse dir che anca lu 'l-é na vitima del tempo del coronavirus.

Ricordi del presidente